

উপজেলা পরিক্রমা পাংশা

রাজবাড়ী, ১৪ মে (সংবাদদাতা)।— রাজবাড়ী জেলার সবচেয়ে বড় উপজেলার নাম পাংশা। পদ্মা নদীর অববাহিকায় পাংশা অবস্থিত। উত্তরে পাবনা জেলা ও পদ্মা নদী, দক্ষিণে যশোর জেলা, পশ্চিমে কুষ্টিয়া এবং পূর্বে রাজবাড়ীর সদর উপজেলা অবস্থিত। পাংশা উপজেলার লোকসংখ্যা ২,৬২,৪১৭ জন। তন্মধ্যে পুরুষ ১,৩৪,৪১৯ জন এবং মহিলা ১,২৭,৯৯৮ জন (আদমশুমারি ১৯৮১) এবং ৪২৪ বর্গকিলোমিটার।

শিক্ষা

পাংশা উপজেলার শিক্ষার হার ৩৩%। তন্মধ্যে ২৮% পুরুষ, মহিলা ৫%। কলেজ ২টি, উচ্চ মাধ্যমিক স্কুল ১৬টি, জুনিয়র স্কুল ১৬টি, প্রাইমারী (সরকারী) ১০০টি, বেসরকারী ২২টি। উপজেলায় কোন সরকারী উচ্চ মাধ্যমিক স্কুল নেই। মাদ্রাসা মোট ৮৯টি ইহার মধ্যে খারজি ১টি, আলিম ১টি, কাজেল ৩টি, দাখেল ১২টি এবং এবতেদায়ী ৭২টি। অধিকাংশ

মাদ্রাসায়ই আসবাবপত্রের অভাব প্রকট যোগাযোগ

জেলা সদরের সহিত একমাত্র মাধ্যম ট্রেন, ৪টি রেল স্টেশন নিয়ে ২০ কিঃ মিঃ রেলপথ আছে। পিচঢালা কোন পাকা রাস্তা নেই। পাকা ১৬১ কিঃ মিঃ সেমিপাকা ৮০৫ কিঃ মিঃ এবং কাঁচা রাস্তা ৭০৮৪০ কিঃ মিঃ। নৌকা চলাচলের নদীপথ ৭২-৪৫ কিঃ মিঃ, এরমধ্যে ৪০টি সেতু আছে। জেলা সদরের সহিত একমাত্র কাঁচা রাস্তাটির অবস্থা খুবই করুণ। এ উপজেলায় আদৌ কোন বাস-ট্রাক চলাচল করে না।

শিল্প

পাংশা উপজেলা তাঁতের কাপড়ের জন্য প্রসিদ্ধ। ইহার মধ্যে চাদর, শাড়ী, লুংগী ইত্যাদি। উপজেলায় ছাপাখানা ২টি, সিমিল ২টি, বরফ কল ২টি, মিশিনারী ওয়ার্কশপ ২টি, কুটির শিল্প ৬২টি। উপজেলার অধিকাংশ লোকই কৃষি এবং কাপড় তৈরীর কাজে নিয়োজিত।